



## Vita de ploania y de paisc



**Le Signur é mia löm y mia salveza.** (Salm 17)

La ploania d'La Pli á tut comié da **Alma Obojes Willeit** (da Plazores, † 30.01.2023, 64 agn) y ti fej les condolianzes ai familiars por la mort d'la fomena, oma y lâ. La vita eterna dáí, Signur, y confortela con to lominus!

- „**Laldun le Signur**“: le liber nō de ciances y d'oraziun é ince en liber por les **families**. Al ven recordé che la domegna do messa pón jí te calogna a nen cumpré al prisc de 20,00 €. Chi co á enteres pó ince se tó empara libri „Syn“ co rōa zonga pal papier. **En vendres ai 10 de forá**, dales 14:00 ennant te Ciasa dles Uniuns, ciariunse ete i libri co ven potūs fora te dlijia. Chi/cheres co á d'laorela y ligreza é bel periés/ades da gní a daidé y da se tó do na forfesc. Preitambel y iolan!



## Enformaziuns y termins

**Comun de Mareo - PNRR Borghi – La Pli:** I lasciu alessi che i metun man le proiet, **La Pli – en tesur da descori** – co á davagné le concurs Borghi. Porchel vegnel chirí porsones de vigne eté co ess enteres da laoré empara y se dé jō con la cossa, laorenn adōm pla cooperativa co á la fin da gestí spo le archif, biblioteca y e.c. Este interessé? Spo lascete aldí pa Alfons, ☎ 0474 503755.

**Biblioteca:** la biblioteca adōm al Zenter Families Mareo envieia en lōnesc ai 6 de forá, ales 10 te biblioteca, a na encuntada con i pici cina 3 agn por scoprí deboriada le monn dai libri.

**Carlascé:** eniann gnarál endō fat a Al Plan la defilada da Carlascé. La Cooperativa Turistica envieia belo sen dūc canc, pici y gragn, uniuns, classes ez. da s'arjigné ca y gní a fá empara. La defilada sará en carlascé, le dedolōnesc ai 21 de forá ales 14:00, y peia ia te plaza dan l'ofize turistich. Iscriziuns en chel dé da misdé ennant.

**Museum Ladin Ciastel de Tor:** emparun a conesce le Carnescé Ladin y pastelun mascheres da carnescé te na bercstot por mitans y mituns d'la scora elementara en dedemesaledema ai 15 de forá dales 14:30 ales 16:30 tal salamont dles mostres dal Museum Ladin Ciastel de Tor. Cost: 5 €/porsona, max. 15 partezipanc. Iscriziun obligatoria: info@museumladin.it

**La vita é na ciancia – ciantela. La vita é n'aventōra – vaighela.  
La vita é fortuna – meritelia. La vita é vita – defenela.**

*Santa Teresa da Calcutta*

<b>Döt le bun a:</b>	Rosalia Feichter Agreiter, <i>Al Plan</i>	* 07.02.1943
	Elisabetta Ploner Forer, <i>Bronech</i>	* 09.02.1941
	Rosina Pedevilla, <i>Bornech</i>	* 09.02.1941
	Tone Erlacher	* 11.02.1930
	Signor Heinrich Perathoner, <i>curat</i>	* 11.02.1941
	Konrad Ellemunter, <i>Kaltern</i>	* 11.02.1942
	y a dūc chi co á santennom y complesc i agn cōst'edema	

**Impressum:** Ploania d'La Pli; redaziun Franz Rigo y Edith Willeit  
**Comunicaziuns:** cina le dedemesaledema sera a Franz Rigo, ☎ 347 2310129 o ✉ ploania@gmx.net  
**Download plata:** [www.unitepastorala.org](http://www.unitepastorala.org)



## Plata d'la Ploania La Pli de Mareo Santa Maria dal Bun Consei

Plaoan: Signor Klaus Sottsas  
✉ klsottsas@rolmail.net

Calogna Al Plan: ☎ 0474 501006  
Radio de Ploania: 93,00 Mhz

UNITÉ PASTORALA




**VAL BADIA**  
[www.unitepastorala.org](http://www.unitepastorala.org)

Ann A

05.02.2023 - 5. domegna ia por l'ann

n. 11



☞ **Is 58, 7–10 | 1 Cor 2, 1–5 | Mt 5, 13–16**

*Gejú á caraterisé söa misciun con les parores: „Iu sun le lominus dal monn“. Ensciö dess ince ester la Dlijia por i popui, ensciö dess ince ester vigne discepul de Gejú te so post lominus por i atri y, con söa bunté, ester se co dá en n'atra saú ala tera (Vangelo). Le profet Isaia ti á belo laota mostré ala jont de so popul co che ara dess fá lominé so lominus: con partí le pan con i arfamés, dé alberch a chi zonza tet y iestí y desnüs (1ª letōra). Cōsc lominus ne n'á la Dlijia nia da fá lominé con discursc de parūda y gran sapionza, ma con la „manifestaziun dal Spirit y de söa forza“ (2ª letōra).*

*da „Bibia di Sandís“*

### Dal Vangelo do San Mateo:

Te chel tomp á Gejú dit a sü discepu:

<sup>13</sup>Os seis le se d'la tera. Sce le se perd söa saú, co pón pa endō le fá saré? Al ne val plü nia; al ven sciüré demez y pesté sot dala jont.

<sup>14</sup>Os seis la löm dal monn. Na ciüté, co é sön na munt, ne sciafia nia da resté ascognüda.

<sup>15</sup>An n'empeia gnanca na löm y met na sedla sorajō, mo an la met sön n candelier, spo ti lomínera a dūc te ciasa.

<sup>16</sup>Ensciö dess osta löm lominé dan dala jont, ch'ai veighi ostes bones opres y laldi osc Pere tal ci.



**Os seis le se d'la tera**  
*Mt 5, 13*

☞ *Letōres d'la 6. domegna ia por l'ann:*

**Sir 15, 15–20 | 1 Cor 2, 6–10 | Mt 5, 17–37**

## Edema liturgica dai 05.02. ai 12.02.2023

<b>DOM 05.</b>	<b>5. domegna ia por l'ann De dla vita</b>	<i>Ingenuin y Albuin veschi de Jênn, Adelheid, Elisabeth</i>
06:30	gran messa a Al Plan	
08:30	<b>zelebrazion dla Parora de Dio</b>	
→ 14:00	<b>funziun de rengraziamont dla vita y benedisciun dai pici mituns</b>	
<b>Lön 06.</b>	<i>Paul Miki y compagns, Dorotea, Amando</i>	
→ 14:00	<b>s.m. de sopoltöra dla † Maria Pedevilla Ellemunter, Pinter</b>	
<b>Ded 07.</b>	<i>Richard, Eugenio</i>	
07:30	s.m. a Antermeia	
<b>Dem 08.</b>	<i>Hieronymus Āmiliani, Josefina Bakhita, Filip</i>	
<b>Jöb 09.</b>	<i>Apolonia, Alexia, Anna Katharina</i>	
07:30	s.m. a Rina	
→ 19:30	<b>corona por perié do vocaziuns</b>	
<b>Ven 10.</b>	<i>Scolastica, Wilhelm</i>	
07:20	s.m. a Al Plan	
→ 14:30	a Longega, <b>s.m.</b> en onú de santa Maria da Lourdes por † Emma Frontull ved. Ellecosta y por düc i vis y †† da Longega	
<b>Sab 11.</b>	<i>memoria de Santa Maria da Lourdes - de mondial dai amarés</i>	
→ 07:30	<b>2<sup>a</sup> s.m. de sopoltöra dla † Alma Obojes Willeit, Plazores</b>	
	<b>s.m.</b> en onú dal Angelo Custode y por la sanité	
	<b>s.m.</b> d'aniversar por † Nese Terza, André	
	<b>s.m.</b> por les Püres Armes	
18:00	s.m. prefestia a Al Plan	
<b>DOM 12.</b>	<b>6. domegna ia por l'ann</b>	<i>Gregor II, Benedet</i>
06:30	<b>gran messa</b> por döta la ploania	<i>oferta por la ploania</i>
	<b>s.m.</b> por prei vis y †† d'La Pli	
	<b>s.m.</b> por i benefaturs dla ploania	
	<b>s.m.</b> por † Susanna Erlacher ved. Mühlmann, Baldessé	
10:00	gran messa a Al Plan	
<i>ampola:</i>	por † Matilde Frontull ved. Vollmann	
<i>ministronc:</i>	<ul style="list-style-type: none"> <li>• <b>lönesc y sabeda:</b> Fabian y Anna</li> <li>• <b>domegna:</b> Jacklyn y Alex, Andreas y Maria</li> </ul>	
<i>i recordun:</i>	Rosa Baldissera Radonski, Berlin	† 11.02.2019



## Nosta misciun da ester lominus dal monn

### I ponsun do:

Le Vangelo nes dij cal co é le compit emportant dai cristiagn: le discepul de Gejú dess ester, enló olách'al é, löm por i atri; söa bunté dess müdé, desco le se, la "sau" de cösc monn. En discepul co ne slomina nia y co ne müda nia con söes operes é por le Vangelo n'assurdité.

### I periu:

Dio onipotent, deidesse ch'i sunse bogh da dé ales porsones, tres la confesciun dla fede, tres la perseveranza tla speranza y tres nostes operes d'amur, na testimonianza de töa vijinanza. Por Gejú Crist, nosc Signur.

*Vesco Wilhelm Egger "Sonntagsbibel"*

## I simboi cristiagn cuntés ai mituns (4)

### Le pan y le vin

#### Gejú partesc le pan

Gejú á cené la sera denant co morí con sü amisc. Al á partí le pan y ti al á dé a sü apostui y á dit: „Tolede, cösc é mio corp.“ Spo ál tut le caresc y á dit: „Cösc é mio sanch“ (*Vangelo do san Merch 14,22-24*).

Ensciö desche Gejú á fat enlaota, fajunse ince nos encö: I festejun deboriada le past con le pan y le vin. Le preo dij les parores che Gejú á dit y spo ven Gejú tal pan y tal vin te nos.



#### Iu sun le pan dla vita

Le pan se recorda che i adorun l'amizizia de Gejú desco le pan da vignedé. Gejú pascionteia nosta fan do amur y comunité. El dij: „Iu sun le pan dla vita“ (*Vangelo do san Jan 6,48-51*). Gejú se renforza con chel pan che El enstes é.

#### Le vin dla ligreza

Con le vin ven la cena con Gejú na festa de fede y de ligreza. I podun sontí tan bun che Chel Bel Dio s'ó. El, le Creatur dal monn, se scinca pan y vin, i früc dla tera y dal laur dla porsona.

Tal pan y tal vin fajunse comunité con Gejú y danter nos. Desche an fej le pan fora de trec graní y le vin fora de trepes piches d'öa, ensciö vegnel fora de trepes porsones desvalies la comunité dai amisc de Gejú. Con le pan y le vin festejunse y tolunse pert ala mort y ressureziun de Gejú.

#### Fá comunité danter nos

Tla Santa Messa festejunse con le pan y le vin la comunité con Gejú. Renforzés da cösc podunse vire deboriada desco de bogh compagns y ti jí do al ejempl de Gejú. I podun ester atló önn por l'ater y partí ligrezes y soferonzes. Ensciö cresc le Regn d'amur y de pesc de Chel Bel Dio sön cösc monn y i podun sontí che Gejú é danter nos.